



Ոգի-Նաիրի  
Vogi-Nairi

Elisabet Kristín Jökulsdóttir  
Ástin ein taugahrúga:  
Enginn dans við Ufsaklett

Elisabet Kristín Jökulsdóttir  
LOVE, A NERVOUS WRECK.  
NO DANCING AT COALFISHROCK

Translated by Christina Kocharyan  
from English into Armenian

Stepanakert, 2021

Էլիզաբեթ Քրիստին ՅՈԿՈՒԼՍԴՈՏԻՐ

ՍԵՐ, ՆՅԱՐԴԵՐԻ ՔԱՅՔԱՅՈՒՄ.  
ՈՉ ՄԻ ՊԱՐ ՉՈՒԿ-ՔԱՐԻ ՎՐԱ

Թարգմանություններն անգլերեն տարբերակից՝  
Քրիստինա ՔՈՉԱՐՅԱՆԻ

Ստեփանակերտ, 2021

ՀՏԳ 821.113.3-1 Յոկուլսդոտիր

ԳՄԴ 84(4Իս)-5

Յ 579

«Գեդարմ» հանդեսի մատենաշար

Յոկուլսդոտիր Էլիզաբեթ Քրիստին  
Գ 878 ՍԵՐ, ՆՅԱՐԴԵՐԻ ՔԱՅՔԱՅՈՒՄ. ՈՉ ՄԻ ՊԱՐ  
ՉՈՒԿ-ՔԱՐԻ ՎՐԱ: Բանաստեղծություններ:  
(թարգմ. անգլերենից՝ Ք. Քոչարյանի),  
Ստեփանակերտ, «Ոգի-Նաիրի» հր., 2021, 92 էջ:

Էլիզաբեթ Յոկուլսդոտիրը ժամանակակից  
իսլանդական բանավեստի ճանաչված դեմքերից է,  
նրա անունը առավելս կապվում է «կանացի  
գրականության» հետ: Յոկուլսդոտիրի պոեզիան լի է  
կնոջ հոգին նրբորեն գաղտնագերծող բազում ուշագրավ  
բացահայտումներով: Նա շատ լույս, հավատ ու  
հավատարմություն է սփռում հատկապես սիրո  
թեմայով գրված բանաստեղծություններում, որոնք աչքի  
են ընկնում հուզիչ անմիջականությամբ:

This book has been translated with a financial support  
from:



**ICELANDIC  
LITERATURE CENTER**  
MIÐSTÖÐ ÍSLENSKRA BÓKMENNTA

Գրքի թարգմանությունը ֆինանսավորել է Իսլանդիայի  
գրական կենտրոնը

ISBN 978-9939-1-1317-3

ՀՏԳ 821.113.3-1 Յոկուլսդոտիր

ԳՄԴ 84(4Իս)-5

© Elisabet Kristín Jokulsdottir, 2021

© «Ոգի-Նաիրի»/թարգմանության համար/, 2021

Մաս I  
*...սիրալիրություն*

### ՄՈՌԱՑՎԱԾ ԳՈՒՌ

Պանդխտության մեջ մի դուռ կա  
որը ես հրում եմ դեպի ծովը  
և շրջվում նրա կողմը  
ավելի ուշ դուռը մոտենում է  
որ ինձ վերածնի:

*Սերն ինչ նախկինում խենթության էր հասցնում  
այժմ կամաց-կամաց ես հասկանում եմ նրա էությունը.  
մի՞թե այդ փրկագնող ուժը դեռ է  
խենթությունից ազատվելու:*





## ԲԱՆԱՍՏԵՂԾՈՒԹՅՈՒՆ ՄԻՐՈ ԿԱՄ ՄՈՌԱՅՈՒԹՅԱՆ ՄԱՍԻՆ

ուզում եմ մոռանալ ինքս ինձ  
մոռանալ իմ անունը  
ով եմ ես  
ում ես գիտեմ  
ինչ արել և մտածել եմ  
մոռանալ ինչ վերապրել եմ  
ինչ քայլեր եմ ձեռնարկել, բարձրացել ժայռերը  
մոռանալ որ պարել եմ  
նույնիսկ երբ ոչ ոք չէր նայում  
մոռանալ որ ունեմ սեղան աթոռներ  
պատ դռներ երկինք  
մոռանալ զագաթնաժողովները փրփրաբաշ ալիքը  
ավազը

երագները սեղանի համեմունքները  
հանձնարարություններ կատարելու վազվզուքը  
հեռախոսագանգերն ու շաքարամանները  
մոռանալ այն ամենն ինչ հիշում եմ  
մոռանալ որ վաղը պիտի բժշկի գնամ  
և չորեքշաբթի օրը պետք է հանդիպենք  
մոռանալ մոռանալ մոռանալ  
մոռանալ ամեն ինչ քեզնից բացի

## ԱՌԱՋԻՆ ՕՐԸ

Նա ինձ զանգեց ու ասաց  
որ փոխեմ կեցվածքս  
ես նման բան չէի լսել  
մանկուց ի վեր  
բայց երբ մի օր նրան  
հանդիպեցի խորովածանոցում  
նրա վերաբերմունքն ինձ  
պարզապես զվարճալի թվաց  
ես շտապեցի հեռանալ  
իսկ նա խոսում էր ու խոսում  
ես հատուկեմտ բառեր էի նետում.  
հարցրեցի՝ ե՞րբ է նա բաժանվել  
իր ութ կանանցից  
ավելի ճիշտ՝ չորս  
Օ, երբ նրա լեզուն սկսեց բարբաջել  
չէի հասկանում՝ ինչու չէի հեռանում  
զուցե չգիտեի՝  
որտեղ է ելքը:

## ԵՐԿՐՈՐԳ ՕՐԸ

Երկրորդ օրը  
իմ ամբողջ  
կյանքը  
թվաց  
անիմաստ.

Կախարդություն էր:

Ասես մի կոկոն էր  
իմ կյանքից  
պոկվել...

## ԵՐՐՈՐԴ ՕՐԸ

Նա հայտնվեց իր երեք նկարներով  
հոգնածությունը օվկիանոսից փչած մշուշի պես  
սողոսկեց մարմինս  
ես ցանկություն չունեի վերլուծելու մի այլ  
հոգեբանություն:

Եվ որտե՞ղ էր իմ այդ նկարը:

Մի՞թե ձեռքերովս  
փակել էի աչքերս:

## ՉՈՐՐՈՐԴ ՕՐԸ

Նա հայտնվեց աստիճաններին  
պայուսակի մեջ անկողնային պարագաներով  
դե ինչ ասեմ  
ներսում մի ձայն  
հառաչեց անհանգիստ  
իսկ մյուսը՝ երբեք չէր ճաշակել  
այդպիսի սեր:

## ՉՄԵՌԱՅԻՆ ՍԻՐԱՎԵՊ

Չյուն է գալիս, ձյունը պարելով իջնում է ցած  
մենք մոմ ենք վառում թղթախաղ խաղում  
գիշերն անկողնում կարդում իրար համար  
ձյունը պարում է ու պտտվում  
մենք իրար ձեռք ենք բռնում հանց երեխաներ  
իրար ձեռք բռնած ընկղմվում հիշողության ավազանը  
նույնիսկ քնում ենք իրար ձեռք բռնած  
նա սուրճ է եփում  
մաքրում աստիճանները  
ամենուր գնում ենք միասին`  
խանութ, բժշկի, ավտոբուսով ինչ-որ տեղ  
նա ինձ հրավիրում է ավտոբուսի կանգառ  
որտեղ զրուցում է ասես Աստծո հետ  
իսկ ձյունը թափվում է փաթիլ-փաթիլ  
նա իմ ննջասենյակը կոչում է  
սիրո ձեղնահարկ:

## ՊԱՐԸ

Մենք գնում ենք պարի  
ես մտածում էի  
իմ մտադրությունների մասին  
երբ հիշեցի երկբևեռ  
խռովություններս՝  
մեկը մյուսին չեն զիջում  
փոխարենը հանկարծ հանդիպում է իմ  
դպրոցական ընկերուհին ու ասում՝ հուսով է  
իմ տղամարդը ինձ չի ծեծում  
ինչպես մյուս բոլոր կանայք  
ես ավելի քան համոզվում եմ որ  
իրականությունը խեղաթյուրում է  
երազանքները  
նա չի պատմում ճշմարտությունը  
բայց նրա դեմքը մտքիցս չի հեռանում:  
Երբ առաջին անգամ ես և նա գնացել էինք  
լողավազան և ես թագուհու պես  
դուրս էի եկել հանդերձարանից  
նա բռնել է ձեռքս ու դրել իր ձեռքին  
կարծես անօգնական երեխա լինեի  
ահա ինչ կարող են անել այդ չարագործները  
նրանք կանանց կարող են վերածել երեխաների:

## ՊԼԱՍՏԻԿ ՊԱՅՈՒՄԱԿ ԿՐՈՂԸ

Հետո գալիս է մի այլ կին  
ասելով՝ դա այն տղամարդն է ով շրջում է ամենուր  
ես նման անհեթեթություն չէի լսել  
կինը պնդում է որ հանդիպել է նրան  
հանրախանութում եւ նա ասել է նրան՝  
հինգ կին հարձակվել էին նրա վրա  
և հարցնում էին՝ երբ պետք է միասին քնեին  
ես սա ջնջեցի իմ գիտակցությունից  
արդեն մեկ այլ տեսարան էր պատկերված  
սա կլինի իմ վերջին տղամարդը  
բայց ես ամեն դեպքում հարցրեցի նրան՝  
ինչպես նա կարձագանքեր  
եթե ինչ-որ մեկն այդպես խոսեր իմ մասին  
նա քարացավ լեզուն կապ ընկավ  
բայց հետո նրա ստորին շրթունքը սկսեց դողալ:  
Նա ինձ հիշեցնում է ձնակույտի մեջ քայլել  
սովորող երեխայի այլ ոչ թե հանրախանութի  
ամենահայտնի կնամուխ:



## ԱԽՏԱՆԻՇ

Նա ինձ ասում է որ հանդերձանքն իմ վատն է  
նա ինձ կտա գեղեցիկ հագուստ  
և ամեն օր կզանգի  
ապա մեկ շաբաթով նույնիսկ կարող եմ մեկնել  
կարծես նա հենց նոր է ավարտել  
պարսավագրքի ընթերցումը  
և անգիր գիտի բոլոր ախտորոշումները  
հետո նա մեկնաբանում է խոսքս  
ասելով որ ես պետք է այլևս չօգտագործեմ  
*հըմ* բառը: Ես նրան բացատրում եմ` *հըմ*-ը  
այն բառերից մեկն է որից ծագել է  
հյութեղ լեզուն:  
Կարծում եմ նա մի տեսակ ցնորված է  
որովհետև ծանոթ եմ ախտանշաններին.  
այդ մարդը պետք է փոխվի  
իմ ձեռքով  
և ազատվի ախտանշաններից  
բայց մոռացել եմ  
որ իմ ձեռքերով փակել եմ  
աչքերս:  
Հետո նա գնում է  
վերականգնողական կենտրոն  
և դառնում քաղաքի հերոս  
ես ամբողջովին ստվերի տակ եմ հայտնվում:

## ԻՄ ԸՆԿԵՐԸ

Նա կարմրաթուշ է, սրաչք  
արծվի պես՝  
հայացքը հորիզոնում  
իսկ հիմա նայում է ինձ  
չի վստահում՝  
հետևում է ինձ քնում է շատ զգույշ  
կարծես՝ պատրաստվում եմ դանակահարել  
նրան թիկունքից  
ահա այն նուրբ գրահը  
որը նա ստեղծել է  
որ ես փափագեմ:

## ԱՊՐԵԼԱԿԱՐԳ

Երբ ես զանգում եմ նրան և ասում  
որ ուզում եմ ինքնասպան լինել  
քանզի կորցրել եմ գլուխս  
որ հոռետեսությունից, կասկածներից,  
բռնությունից գատ  
ոչինչ չեմ տեսնում և միակ միջոցը հեռանալն է  
նա ինձ ասում է՝ ամեն ինչ լավ կլինի  
ես պարզապես պետք է փոխեմ ապրելակարգն իմ,  
և նա կրկնում է  
որ իմ զուգընկերն է ու  
այդպիսին էլ կմնա ընդմիշտ:

## ԲԱՑԱՀԱՅՏՈՒՄ

Մի իսկական բացահայտում էր  
երբ տեսա նրան  
ծնկաչոք նստած  
ուրրում էր հատակի քուրջը  
այդ ձեռքերը կարող էին նաեւ  
անկասկած քամել  
արյունը սրտից  
նա ճարպիկ մարմնով իր  
հետո կարող էր հասակով մեկ կանգնել  
զոհասեղանի առջև:

## ՄՏԱԴՐՈՒԹՅՈՒՆ

Ես մտադիր եմ նրա  
հետ ամուսնանալ  
անկախ ամեն ինչից  
ինչ էլ պատահի  
ինչ էլ որ լինի  
բայց երբ գիշերը երազ եմ տեսնում  
իմ երազները չեն կիսում  
մտադրությունս:

## ԻՄԱՍՏՈՒԹՅՈՒՆԸ

Ես իմ իմաստությամբ միշտ հայեցում ու  
պարսավում եմ նրան  
ես միշտ հանդիմանում ու  
ուղղում եմ նրան  
ուսուցչուհու պես  
հյուծելով նրան, ոչ ոք ոչինչ չի խնդրել  
ընդհանրապես ոչինչ այս թեման փակ է  
անհեթեթության տեղ չկա այլևս  
ես ուզում եմ դուրս գալ արեւերես:

## ԿՈՂՈՍԿՐԵ ՎԱՆԴԱԿ

Երբեմն նրան խնդրում եմ  
պառկել ինձ վրա  
գտնել կողոսկրե վանդակն իմ  
որի մասին ոչինչ չգիտեմ  
իսկ կյանքի ալեկոծ ծովը հիշեցնում է ինձ  
ցավի ու հերոսության մասին  
զանգվածային ու հոծ  
գուցե տրալերի<sup>1</sup>  
պողպատե պատ է  
ներսից մոմլաթով պատած  
որ լողում է դեպի Հորնբյարգ<sup>2</sup>  
անեծքի շարա՞ն է  
թե՞ աղոթք առ Աստված  
կամ կյանքի կոչ.  
սրանցից ոչ մեկը  
բայց ինչ-որ անասան բան՝  
հանց ապագա:

- 1. տրալեր - ուռևանապարկակիր նավ*
- 2. Հորնբյարգ - լայնակի չգվող ծովային ժայռ, որը գրկվում է Վեսթֆիրդի<sup>3</sup> հյուսիս-արևմտյան մասում:*
- 3. Վեսթֆիրդի - քերակղզի Բալանդիայի հյուսիսում, որը նաև ութ փարածաշրջաններից մեկն է:*

## ԲՈՆՈՒԹՅՈՒՆ

Ինձ ասում են  
նա չարագործ է  
բայց իրականում նա ընդամենը  
մարդկանց լրտեսում է  
ինչպես օրինակ  
ես եմ ուզում լրտեսել նրան.  
մինչ տուն հասնելը  
կարդալ նրա փոստը  
ստուգել հեռախոսը  
նրա պահարանը  
խոհանոցի դարակները  
նրա բարձի տակը  
սինթետիկ վերմակը  
նրա համակարգիչը  
նրա կեղտոտ շորերը  
նրա սառնարանը  
իսկ ի՞նչ էր անում Մերիլին Մոնրոն  
նրա պատի  
թիթեռներն ու ծաղիկները, նրա երեխաները –  
ճնշող աշխարհ:



## ԱՄՐՈՅԸ

Ես ամեն ինչ գիտեմ չարագործների մասին  
նրանք ներթափանցում են քո հոգու խորքը  
տարածվում այնտեղ ու առևանգում այն  
դնում մի տոպրակի մեջ  
և զբոսնելով բարձրանում լեռները  
լեռներում նրանք մի ամբողջ ունեն  
դրտեղ ճշոցները դառնում են հրեշտակների երգ  
(իսկական հեքիաթ):

### ԳԻՇԵՐՆ ԱՐԹՆԱՆԱԼՈՎ

Մի գիշեր ես նրա հետ քնեցի  
քաղաքի մյուս ծայրում  
վախից արթնացա  
կարծես նա հարձակվել է վրաս  
ես հագնվեցի և մեկնեցի տուն  
հետո տեղեկացա  
որ ժամանակ է պետք  
սովորաբար մեկ կամ կես տարի:  
Կարող էի ժամացույցը գործի դնել:

### ՍԵՆՅԱԿ, ՀԱՐԿ, ՀԱՐԵՎԱՆՈՒԹՅՈՒՆ

Եթե նա նույն սենյակում լիներ, ես կճմլեի նրան  
եթե նա ներքևի հարկում լիներ, ես կխենթանայի

նրա համար

եթե նա հարևանությամբ լիներ, ես կմեռնեի սիրուց

### ԵՐԱՆՏԱԳԻՏՈՒԹՅՈՒՆ

Նա վստահեցնում է որ  
երախտապարտ է  
սիրո համար  
ես հաշվում եմ  
մրա զանցանքները  
ճիշտ է, երախտագիտությունը  
ցուցակի առաջին տեղում է:



### ՅՏԵՍՈՒԹՅՈՒՆ

Ամեն անգամ երբ նա հրաժեշտ է տալիս  
լցվում եմ այնպիսի զգացումով որ այլևս  
չեմ տեսնի նրան  
և համակվում եմ դատարկ երբեմն նաև  
մահացու մտքերով:

Դա իմ ներսում գտնվող երեխան է որ ղեկավարում է  
իսկ կինը կանգնած է գազօջախի մոտ  
աչքերը սևեռած կաթսային:

### ՀԵՌԱԽՈՍԱԶԱՆԳ

Ես չեի էլ պատրաստվում պատասխանել  
երբ նա զանգում էր  
իսկ երբ չէր զանգում  
խենթանում էի:

## ՉԱՅՆԸ

Եվ երբ անսպասելիորեն զանգում են  
ինչ խմբի հետ էլ որ նա լինի  
ես լսում եմ այդ կոպիտ ձայնը  
այդ խռպոտ ու ջղային  
քիբո ու  
ուժամոլ  
ձայնը  
որից ես հաճախ եմ վախենում  
լացում  
լացը ճեղքում է հեռախոսը և  
դուրս նետվում լսավողից:



## ԲԱՑԱՀԱՅՏՈՒՄ II

Երբ ինչ-որ բան եմ բացահայտում՝  
իմ խոցելիությունը, բռնությունը  
օրգազմի վախը  
գլխիս միջի ընտանեկան կռիվները,  
նա իր մեծ աչքերն ինձ է հառում եւ  
բարձրաձայնում. «Օ, կարծում էի այսքան  
ժամանակ սթափ ես եղել»:

## ԻՆՉ-ՈՐ ՓԼՎԱԾ ԲԱՆ

Ամեն ինչ կատարելագործվում է  
նույնիսկ գլուխս  
այժմ միշտ չէ որ մտածում եմ  
թե ինչ պիտի ասեմ  
ասես ապրում եմ դաժան պայմաններում  
փոխարենը պատենշը փլվել է հիմա  
և բառերը դուրս են հորդում ինձնից:

## FRÍÐA OG DÝRIÐ\*

Ես կսիրեմ նրան  
ինչպես հրեշը  
ով վերածվեց իշխանի  
բայց կարծիքը փոխվեց  
և ես դարձա երկմիտ.  
ով է հրեշը  
ով կարիք ունի սիրո  
և ով պետք է փոխվի:

*\*Frída og dýrið /իսլ./ - Չեղեցկուհին և հրեշը*



Մաս II  
*...համակերցություն*

## ԿՈՂՊՎԱԾ ՄԱՐԳԸ

Իր տեղափոխվելու նախորդ գիշերը  
նա վատահեցնում էր ինձ  
որ կանայք հաճախ փոխում էին կողպեքները  
արգելելու նրա մուտքը ներս  
և նրա աչքերը լցվում էին արցունքներով  
ես չգիտեի՝ ծիծաղել թե լալ  
նա ասաց՝ երբ հարբած էր լինում կանայք կարծում էին  
որ նա կծեծի իրենց  
և գիտակցաբար փոխում էին կողպեքները  
ու նա տուն էր մտնում կողպված դռներով  
նա ստիպեց ինձ խոստանալ  
երբեք չփոխել կողպեքները երբեք  
երբ ամեն ինչ բարեհաջող լինի  
ես կշտապեմ տուն փոխելու կողպեքները  
բայց շարունակում էի կենակցությունս  
անկախ ամեն մի դժվարությունից  
կողպված կլինեի դրսից թե ներսից  
բայց դեռ կլինեի ինչ-որ տեղ:

## ՄԵԿ ԱՅԼ ԲԱՆԱՍՏԵՂԾՈՒԹՅՈՒՆ ԿՈՂՊԵՔՆԵՐԻ ՄԱՍԻՆ

Ես չեմ նշել որ  
հաճախ եմ եղել կողպեքները փոխելու  
ցանկության շեմին  
քանի որ անուժ էի նրան խնդրել  
վերադարձնել իմ բանալին  
քանզի ես չէի պատրաստվում լինել  
այդ վատ կանանցից մեկը:

## ԱՆՊԻՏԱՆԸ

Նա ձեռքը սահեցնելով մտցնում է  
ին ձեռքի մեջ երբ կեսգիշերին ներս է մտնում  
ես ձևացնում եմ որ չեմ նկատում  
նա կախում է իր նկարը  
դասավորում արձանիկները դաշնամուրի վրա  
և ասում որ իմ իրերն  
անպիտան են իսկ դա այնքան լավ է  
վեպ գրելու համար  
նույնիսկ կարիք չկա որ նա  
ներողություն հայցի:



## ՀԱՄԱԿԵՑՈՒԹՅՈՒՆ

Մինչ նա մեխում է  
և պտուտակում, գայլիկոնում է և ստանձում,  
չափում է և նկարում և փոխում է  
լամպերը, մութը պատում է տունը  
և հաղորդագրություն է ուղարկում  
ինձ գրելով՝ որքան հիանալի է  
ինձ հետ ապրելը, մատներս հարվածում են  
ստեղներին առանց տառերը տեսնելու  
և մեքենայաբար  
անպիտան բաներով լցնում  
համակարգիչը՝ նկարագրելով  
«անպիտան» բաներից կազմված իմ կյանքը  
որն ապագայում գուցե դառնա բեսթսելեր:

### ԵՐԲ ՆԱ ՆԵՐՍ ՄՏԱՎ

Կարծում եմ՝ նա ցնորված է  
խսկ ես ստանձնել եմ  
հոգեբուժարանի բուժքրոջ դերը.  
մեջքը թեթև շոյել ձեռքով  
ջուր բերել նրա համար  
միացնել հեռուստացույցը  
ասել որ ամեն ինչ լավ կլինի  
սակայն հետո ինչ-որ կերպ  
բոլոր ուղիները փակվում են:

## ՄԱՐՄՆԻ ՀԻՇՈՂՈՒԹՅՈՒՆ I

Արժանի եղա  
աղոթքով միանալ  
Աստծուն և հարցնել՝  
ի՞նչը այնպես չե  
իմչու՞ մենք անընդհատ վիճում ենք:  
«Նա ուզում է, որ դու քեզ այլ կերպ պահես», -  
ասում է Աստված

և անհետանում:  
Ես կախված եմ բռնարարից  
անվերջ վեճեր  
դժգոհություն անհանգստություն  
զգում եմ՝ գլուխս  
լցվում է սև թանաքով  
և ես աղաչում եմ Աստծուն որ ինձ օգնի  
հաջորդ օրը մի մարդ հայտնվում է շեմին  
առաջարկելով աշխատել մարմնի հիշողության հետ.  
Ես զգում եմ որ կրում եմ վիշտը  
որ ոսկրածուծ ինչպես լցված է մարմինս  
վիշտ հանց տգրուկ  
բայց չեմ ուզում կորցնել  
երբ կորցրի հորս  
վիշտը դարձավ նրա փոխանորդը  
խսկ մարմնի հիշողության հետ աշխատող մարդը  
առաջարկում է խզել կապվածությունը  
և դրանից հետո ես զգում եմ՝  
կյանքը կարող է նաև շարունակվել:

## ՄԱՐՄՆԻ ՀԻՇՈՂՈՒԹՅՈՒՆ II

Ես հալեցնում էի սառնարանի սառույցը  
երբ տղամարդը տեղից վեր թռչեց կրկին  
և ինչպես միշտ ես կորցրի մարմնի հիշողությունը  
և հրեցի նրան աստիճաններից  
և ասացի նրան՝ այլևս հետ չգաս  
հայրիկիս մահվան օրն էր  
նույն օրը նրանք բոլորը գնացին  
հայրիկն ու Էյնար Բենը՝ բազմոցը<sup>1</sup>,  
և հոր հետ ապաստան փնտրող նավաստին  
մի քանի օր անց գնացի հոգեբուժարան  
նա եկավ և վերցրեց բանալին:  
(Այնտեղ ես անձանոթ մեկն ունեի իմ գրկում  
ում փոխ էր տվել իմ փոքրիկ զարմուռին  
քիչ-քիչ ես սկսեցի պարել  
և արձակել լայն բաճկոնը  
որն իմ հագին էր  
և պատանին, ով չէր ժպտացել  
նույնիսկ մի շաբաթ առաջ  
ժպտում էր նրա աչքերով  
իսկ հետո նա եկավ ու վիճեց  
այն սենյակում որտեղ դաշնամուրն էր:  
Ես պարզապես ծիծաղեցի:  
Ինչու՞ ես երբևէ չեմ լացել)

*1. Էյնար Բենը իսլանդացի բանաստեղծ Էյնար Բենեդիկտսն է (1864-1940), ում կահույքը 1935 թ. նվիրաբերվել էր Բալանդիայի համալսարանին, այնպեղից էլ տարվել էր տարբեր տներ և վայրեր Ռեյկյալիկում (Landsbókaskafi 2019): Հնարավոր է, որ մեկի բազմոցը կոչվի Էյնար Բեն՝ վկայակոչելով նրան:*

## ՍԵՐ

Սերը սև հերմետիկ  
ծխախոտի տուփ է  
շաքարաման սուրճի բաժակ  
պտտում է  
հյուսնի գծաքանոնը  
սեղանի վրա  
արևի ներքո  
երկու սիրտ է  
եւ ես չգիտեմ  
որն է  
իմը:

## ՎԵՐԱՆՈՐՈՒՄ

Նա իմ քիթեռները կպցնում է  
Լիբանանից բերված կապույտ պայուսակին  
մուտքի դռանը  
հեռուստացույցի լարին  
տեղավորում է ջահը  
ներկում պատուհանագոգերը  
ասես կյանքն իմ բացվում է  
չնայած կարծում եմ  
դա իմ պատկերացումն է;  
չի կարող ուղեղս արձանագրել դա  
քանզի իմ սիրտը մի անգամ  
արդեն կոտրվել է:

## ՄԱՅՐԱՄՈՒՏ

Մենք իրար հետ լավ ենք  
միասին հեռուստացույց ենք նայում  
ես նրան սուրճ եմ բերում  
և հարցնում` արդյո՞ք ուզում է բարձրանալ  
Ժայռն ու տեսնել մայրամուտը  
բայց դա նրան չի հետաքրքրում:

Նա նույնիսկ չի ուզում տեսնել լուսինը  
և անգամ զբոսնել  
բայց մի անգամ ինձ հաջողվեց  
նրան հետս քարշ տալ լեռներ  
և նա ասաց որ երջանիկ է ու

երբեք ավելի երջանիկ չի եղել

գուցե երջանկությունն  
այն լեռան մեջ էր:

## ՀԱՍՏԱՏԵՂ ԱՊՐԵԼՈՎ

Մենք գնում ենք կինո  
և համերգներ  
և նույնիսկ թատրոն  
բայց նա երբեք չի  
բռնում  
իմ ձեռքը  
սկսում եմ մտածել  
ինչ-որ բան այն չէ  
իմ ձեռքի հետ:  
Չեմ հասկանում  
ինչու չեմ ելնում  
տեղից ու դուրս գալիս

Գուցե կինոթատրոնը  
դռներ չունի:



## ԳՐԿԱԽԱՌՆՈՒԹՅՈՒՆ

Ընդամենը մեկ գրկախառնություն ու, վերջ,  
փոխարենն ամեն ինչ արվեց  
ամեն ինչ ասվեց քննարկվեց մինչև մահ  
քնեցի սև զուգագուլպայով  
սեղմած կորսետով  
վերանորոգվեց ամբողջ տունը  
ընդամենն ուզում էի մեկ գրկախառնություն  
մեկ գրկախառնություն ու բնակվել այնտեղ  
ուժեղանալ այնտեղ  
զգալ քեզ  
որ կարող ես գեթ մի բան անել:

## ԼՈՒՄՆԻՆ ԱՍԱ ՆԵՐՈՂՈՒԹՅՈՒՆ

Նա նվաստացրեց իմ ընկերներին  
այն ընկերներին ովքեր կարծում են  
թե կնոջը պետք է ընդունել որպես կին  
նա չի սիրում նաև լուսինը  
որը նույնպես իմ ընկերն է  
կարծում են ահավոր վատ է  
ես միշտ պայքարում եմ  
և պահանջում ներողություն խնդրել  
ասես առնես լինեի ով  
կոյուղու խողովակը տուն է համարում  
և փնթփնթում առհասարակ ժամանակ.  
Ասա լուսնին՝ ներողություն:

## ՍՈՒՉՄԱՆ ՃԱՄՓԻՆ

Երբ անսպասելի ինչ-որ բան եմ անում՝  
փորձում խաղալ խնդրում պարել  
կատակով տապալում նրան գետնին  
էրոտիկ հանդերձանքով  
քայլում նրա մահճի առջև,  
ասես հոգեարք է բռնկվում նրա մեջ.  
սկսում է հռչալ  
փոթորկվում վերածվում հանկարծ վայրենու  
կարծես նավ է սուզվում,  
խորտակվում:

## ԱՆՀԵՏԱՑԱԾ ԾՈՎՈՒՄ

Ես հոտոտում եմ նրա շապիկը.  
այդ քաղցր բույրը  
այդ օժանելիքը  
ճաշի թույլ հոտը  
ուզում եմ տանել շապիկն անկողին  
բայց, չէ, ծալում եմ  
և մի կողմ դնում:

## ՇԱՊԻԿԸ

Աթոռին ընկած է նրա վանդակավոր  
շապիկը, ես հեղեղվում եմ կրքով  
կարող եմ նույնիսկ այն հագնել  
ու ողբալ:

## ԱՆԱՆՈՒՆ

Նա գնում է ծով  
և մենությունն ինձ բզկտում է  
ես դժգոհ չեմ  
բայց կարծես դեռ փախչում եմ  
ծովի վտանգից  
երբ միայնությունը  
թուլացնում է սահմանը  
ես գիտեմ որ նա նույնն է զգում  
մենք մենության նվիրյալներ ենք  
և երբ նա թափանցում է իմ ներսը  
դառնում է մենություն  
ես՝ նույնպես  
ես պարզապես մենակ եմ սենյակում  
պատերին ընդհանրապես ոչինչ չկա  
հետո հիշում եմ, որ սա այն սենյակն է  
երբ 1979 թ.սեպտեմբերի 17-ին  
այցելել ենք հոգեբուժարան:

Ես ինձ կողպել եմ նրա ներսում  
ինչպես ցանկացած այլ սենյակում:

Ես կողպված էի շատ մարդկանց ներսում  
նույնիսկ չեմ հիշում՝ որքան ժամանակ:

## ՀՐԵՇՏԱԿ

Ես փորձում էի լուծել  
իմ ընկերոջ հանելուկը  
և ես ուզում եմ որ  
նա կրկին ուղարկվի ինձ.  
Կարծում եմ՝ ես իմ նկատմամբ  
բռնություն գործադրած չեմ լինի  
իմ ձեռքով:

## ԳԱԳԱԹՆԱԿԵՏԸ

Ես հարաբերությունների գազաթնակետ չէի կոչի  
յոթանասուն նեյլոնե գուլպաները  
կամ այն գույզը որում խցկեցի նրան  
նչ նրա ծրագրած նախագծերը  
«*Ida*» գրախանութի նախասրահում  
նչ բոլոր հացի կոտլետները  
նչ սուրճ խմելը  
կամ կյանքը Սիրո ձեղնահարկում  
նչ թատրոն գնալը  
որտեղ ներկայացման թեման պտտվում էր մեր շուրջ  
նչ նրա ծննդյան օրը երբ նա  
խոստացել էր աղով եփած գառ և լոբի  
բայց գնել է միայն մի քանի թխվածք  
նչ երբ նավ եմ նստել  
նչ բոլոր արդիականացումները  
նչ մույնիսկ այն երբ հանել է սիրտս խրված նիզակը  
որ նա խոցել էր, երբ հայրս մահացել էր  
նչ այն երբ գնացել եմք ատամնաբույժի  
նչ, գազաթնակետ կկոչեի այն  
սպասքը  
որը միասին լվացել ենք  
մի անգամ.

այդ ժամ տիրում էր երջանկություն:



## ՆՅԱՐԴԱՅԻՆ ԽԱՆԳԱՐՈՒՄ ԴԱՐՉԱԾ ՍԵՐԸ

Չնայած կային տան հետ առնչվող բազում ծրագրեր  
ես երբեք չեմ զգացել նրա ներկայությունն այնտեղ  
նա ապրում էր Հուսահատության անկյունում  
հանց ձկնորսական տարածք:  
Նա պնդում է որ ես նրան սպանում եմ  
թունավորում եմ, պատմում է գույգերի  
խորհրդատուին որ ես էի պատճառը նրա սայթաքման  
երբ իմացա որ նա չարաշահող է  
սկսեց բարձր ու շփոթահար լացել.  
ես անկարող եմ անել ինչ-որ բան բացի  
ցնցվելուց նրա արցունքներից  
(ես նույնիսկ լացել չեմ կարողանում),  
և երբ սեռական օգնություն խնդրեցի  
նրա նյարդերը վերջնականորեն տեղի տվեցին.  
կարծես ձկնորսական մի այլ տարածք էր նա:

ՎԵՑ ԱՄՍՎԱ ՀԱՄԱՏԵՂ ԿՅԱՆՔ

Ես նրա հետևից  
մաքրեցի արյունը  
պատից

Երբ բռունցքով  
խփեց  
պատին

Ես ջարդում եմ  
երեսուն կիլոգրամանոց սրտի քարը  
Հեկլայից\* ու ներս բերում պատուհանով

Իսկ նա դնում է  
պատի նոր տախտակադրվագում  
ինձ համար:

*\* Հեկլա - գործող հրաբուխ Բալանդիա կղզու հարավում*

## ՄՐՃԱԹԱԹԱԽ

Նա իմ դեմքին սուրճ է շարտում  
ինչ-որ պատճառով, ես կանգնում եմ  
ցախավելի պահարանի մոտ և կանգնած մնում  
մինչև ուշքի գալը  
դա արվեց  
սկսվեց կրկին  
քանզի բռնությունը երբեք չպիտի ներվի  
որովհետև այն նորից կկրկնվի  
և ես չեմ պատրաստվում սպասել  
ուստի բացում եմ պահարանը  
հանում ցախավելը  
և թռչում հեռու:

## ԱՌԱՋԻՆ ԲՈՒԺՕԳՆՈՒԹՅԱՆ ՍԵՆՅԱԿ

Ես առնչվել եմ  
հոգեբուժարանի հետ ութ անգամ  
ինչու՞ որա փոխարեն չեմ գնացել  
Կանադյան կղզիներ:  
Այնտեղ հանդիպեցի մի բուժքրոջ  
ով ասաց, որ ես ենթարկվել եմ  
վնասվածքային փորձության  
այժմ էլ փորձում եմ ոչնչացնել ինձ լիովին:  
Ինչ-որ արու էակ արարում  
ու կործանում է ամեն օր,  
գուցե ես ինքս եմ ստեղծում ինձ  
աղոտ ճանապարհով  
որ տանում է անդունդ:  
Անհեթեթություն,  
անիծյալ  
տխմար անհեթեթություն:

Մաս III  
*...բաժանում*

## ԱՐԻ ՄՏԱԾԵՆՔ ԱՅԼ ԲԱՆԻ ՄԱՍԻՆ

Արի մտածենք լողավազանի մոտ գտնվող եղևնիների  
մասին որ ճկվում են քամու սաստկությունից  
և ուզում նետվել ջրերի մեջ  
գրկիր ինձ ու ասա՝  
դադարիր մտածել նրա մասին  
մենք սիրում ենք քեզ  
հա, արի մտածենք այլ բանի մասին  
արի մեր մտքին դադար շնորհենք  
անվերջ ալեկոծվելով նրա հետ  
կողպելով իրականությունը  
բորբոքելով զայրույթը վիշտը կասկածը ատելությունը,  
գուցե ես սիրել եմ նրան  
իսկ նա այդ սերը չի հաղթահարել  
ահա ինչպես եմ խաբում ինքս ինձ  
նա չկարողացավ իբր հաղթահարել  
արի մտածենք այլ բանի մասին:

## ՄԵՔԵՆԱՆ

Ինչու՞ չեմ կարող դադարել  
մտածել նրա մասին:  
Հետո հասկացա որ  
դարձել էի մեքենա  
երբ վերջ դրի մեր հարաբերություններին:  
Ես կրկին մարդ դարձա  
և դադարեցի մեքենա լինելուց.  
սեռական մեքենա  
բռնության մեքենա  
անցյալի մեքենա  
կին մեքենա  
մտամոլոր մեքենա  
ճշացող մեքենա  
իբր նետող մեքենա  
ցավի մեքենա  
մնացող-գնացող մեքենա  
և դարձա անհատ:

## ՍԵՐԸ ԾՈՎԱԾԻՆ Է

Բոլորն ասում էին նրան  
որ ծովում շատ ձուկ կա  
բայց նրա տղամարդը ձուկ չէր  
նա ծեր ծովածին էր:



## ՈՂԲԵՐԳՈՒԹՅՈՒՆ

Երբ նա զանգեց  
սենյակից  
կարծում էի  
իմ խմիչքը բերողն էր:

Ես մի պահ մտածեցի  
խմելու մասին  
չէի ուզում բաց թողնել նրան

կուզեի անհետանալ հանց ակոհողի մեկ բաժին:

## ՄԱՐՄԻ ԴԱՌՆՈՒԹՅՈՒՆ

Շնչահեղձ եմ լինում,  
արթնանում եմ`  
դեմքս կռպիտ է ռունագրերի\* պես:  
Ես այնքան տխուր եմ  
գուցե սերն է  
կորցնում մազերը:

*\* Ռունական այբուբենի տառեր, որոնք օգտագործվում էին գերմանական լեզուներում մինչև լատինական այբուբենի ներմուծումը:*



## ՀԱՐԱԶԱՏ ԿԱՐՈՏ

Ուզում եմ որ նա  
ինձ համար գնի  
մի փոքրիկ շիշ կոլա  
և սուրճ մատուցի  
անկողնում  
մաքրի ձյունը  
մեքենայից  
վերանայի իմ հաշիվները  
հետո նստի  
աթոռին և հեռուստացույց  
նայի:

### ՓԵՏՐՎԱՐՅԱՆ ԵՐԹ

Երբ ես միայնակ արթնացա ձեղնահարկում թվաց՝  
ինչ-որ խորշից  
մի սկյուռ սողոսկեց մարմինս՝ այնքան քնքուշ  
բայց այնքան ցավոտ  
քանի որ ծակոտիներն ու բջիջներն անտեսանելի են:  
Բայց ես  
քերթեցի սկյուռը և նա վերածվեց արցունքների  
ու տեսա որ  
արցունքներն այդ աղամանդներ են, ես կուտակեցի  
աղամանդները մորթու վրա,  
դրսում իսլանդական գորշ ձմեռ էր ու նոր սկիզբ:

Մորթին ձմեռն էր, աղամանդները՝ նոր սկիզբ:

## ՀԱՐՄԱՐԱՎԵՏՈՒԹՅԱՆ ԳՈՏԻ

Նա ինձ վրա սուրճ էր թափում  
հրաժարում  
ոտքով հարվածում էր ինձ  
հրաժարում  
եթե հարվածը չէր ստացվում  
իմ հետևից վազում էր նկուղ  
հրաժարում  
նոր տարվա գիշերը հեռացավ  
և ինձ թողեց տանը մենակ  
հրաժարում  
գրանցվեց ծանոթությունների կայքում  
հրաժարում  
ես ջնջեցի նրա բոլոր հաղորդագրությունները  
և որոշեցի այլևս չխոսել նրա հետ  
նա ինձ անիծեց  
ցնորում ու մահ մաղթեց  
ոչինչ չասելու փոխարեն  
ես լավ պատասխանը տվեցի  
նա ինձ հասավ աստիճաններից  
և սպառնաց ոստիկանությամբ  
ես խնդրեցի նրան հեռանալ  
իսկ երկու օր անց  
սերն ու ռոմանտիկան հաղթահարեցին ինձ ու ասացին՝  
հետևիր քո սրտին և պայքարիր

հանուն սիրո  
որը միշտ իմ սրտում էր  
այդ գիշեր ես գիր էի  
ուղարկել նրան  
և քանի որ չէր պատասխանել  
ուզում էի զանգել սակայն  
իրականությունը կանխեց ինձ.  
Ես փափագում էի հրաժարումը:

ԱՆԱՎԱՐՏ ԲԱՆԱՍՏԵՂԾՈՒԹՅՈՒՆ  
ՄՈՌԱՆԱԼՈՒ ՄԱՍԻՆ

Գոնե հիմա կարո՞ղ եմ մոռանալ քեզ  
ամբողջովին, հավետ,  
մոռանալ քեզ  
և փորձել հիշել  
որ պետք է զանգեմ  
կոշիկներս տանեմ վերանորոգման  
հանդիպեմ ընկերոջս հետ  
գառ պատրաստեմ փոքրերի համար  
կերակրեմ բաղերին  
զնամ թատրոն  
մարմինս մերսեմ լոսյոնով  
մաքրեմ խոհանոցի հատակը  
կամ պարզապես ոչինչ չանեմ  
զգամ՝ ինչպես է կյանքը հոսում իմ միջով  
իսկ երբ դու մոռացված  
ու թաղված լինես  
կնայես երկնքի միջով  
կամ գլուխդ հազիվհազ  
դուրս կհանես շիրմից՝  
հոգնած ու տրտմած,  
միշտ հոգեմաշ  
որ ես հիշեմ դա:



## ԱՄԵՐԻԿԱՆ ՉՎԱՐՃԱԳՆԱՅՔ

Ամերիկյան զվարճագնացքից ստացած  
լավ հիշողություններից հետո  
դժվար էր հավատալ  
որ դու կծեծես դուռը և կներկայանաս  
բարկությունից խենթացած ու քեզ կցանկանայիր  
ամենավատը:

Հսկիր պատուհանից՝ կարող եմ բռնտել  
մեքենադ շրջանցիկ ճանապարհին:  
Վախենում էի զանգել՝  
գուցե ժամադրության ես,  
ուզում էի քայլել դեպի քո տունը  
թակել դուռն առանց իմանալու որ  
հերթական զայրույթը հիասթափություն կբերի  
մի հավատա որ դու այլևս իմն ես՝  
ինչպես մահացածը որ ոչ մեկինը չէ.  
ուզում եմ վրեժխնդիր լինել՝ ինչ-որ վատ բան անել  
և նորից տրվել լավ հիշողություններին  
հետո մի առավոտ արթնանալ  
ու հանգիստ ընդունել  
որ մենք բաժանվել ենք  
այլապես մենք միշտ վիճում ենք  
և փչացնում մեր հարաբերությունները:

### ՔԱՐ - ՉՈՒԿ

Եկավ նոր տարին  
բայց ոչ մի պար «Քար-ձկան» վրա  
լուսնալույսի ոչ մի շող  
ձյան վրա ոչ մի ոտնահետք  
օդի մեջ ոչ մի սեր  
ոչ մի հույս  
պարի մեջ  
ոչ մի կին ելնող  
երկնամուխ ժայռից  
կորսետով պարելու  
հրավառության տակ  
տղամարդու հետ  
ձկնորսի ձեռքերից բռնած:

## ԼԵԶՈՒՆ

Այդ գիշեր հաղորդագրություն եմ ուղարկել  
իսկ նա չի պատասխանում  
ես զգում եմ՝ ինչպես է ատելությունը  
կողպում յուրաքանչյուր նյարդ  
ես նողկում եմ նրանից  
կարող էի նրան խեղել  
կաշին քերթել  
կտրտել մարմինը  
հանել աչքերը  
իմ կատվին նետել  
նրա դեմքին  
մինչև գտնեմ լեզուն  
որ մոռացել էի կտրել:

### ՀՈԿՏԵՄԲԵՐՅԱՆ ԳԻՇԵՐ

Նա հայտնվեց մետաքսյա խալաթով  
հասարակաց տնից բերած մի ծաղկամանով  
այդ գիշեր ես ինքս ինձ համոզում էի  
որ ինձ համար չափազանց դժվար է  
ապրել վախի ու բարկության մեջ  
ես պետք է առ սիրտս  
հրավիրեմ սերը  
քանզի այն պողպատյա նյարդեր ունի:

## ՄԵՆՔ ՊԱՐՉԱՊԵՍ ՍԱՐԴԻԿ ԷԻՆՔ

Ով բերեց հին գործիքները  
նոր ժամանակներ  
ողբերգական է  
շատ ողբերգական  
ես մոմ եմ վառում  
և դնում պատուհանին  
վշտի համար  
երբ բացահայտում եմ  
որ այս ամենը պատրանք է  
իսկ գուցե պատրանքն էր  
լավագույն գործիքը:

## ԻՍԿԱԿԱՆ ԿԻՆԸ II

Ես նրանից նամակ եմ ստանում որում գրված է որ  
ես ահաբեկիչ եմ և  
պետք է կալանավորվեմ: Ինչ ամոք է, մի ժամանակ  
ես իսկական կին էի  
իսկ հիմա ինձ ակնհայտորեն ցած գլորեցին  
պատվանդանից:  
Հիշում եմ՝ իսկական կին ինձ կոչում էր  
իմ վերջին ընկերը  
ով գլխարկներ էր կարում իսկական կանանց համար,  
նա իսկական կանանց տալիս էր նաև  
կորսետներ ու շրթներկ, իսկ ինչպիսինն են իսկական  
կին-քածերը,  
և հանկարծ հասկացա, որ ուզում եմ ծիծաղել  
այս ամբողջ իրականության վրա:  
Այո, ուզում եմ լիաթոք քրքջալ, ոչ թե նյարդայնանալ:  
Այսպես, հաջորդ անգամ երբ լսեմ  
«իսկական կին» խոսքը ես այնքան ուժեղ  
կծիծաղեմ որ  
ձու կածեմ, ոսկե ձվեր:

Հի հի հի հի քայլ արա, հի-հի, արա ևս մեկ քայլ ու նաև  
երրորդը, հի-հի

Սեր, նյարդերի քայքայում. Ոչ մի պար ձուկ-քարի վրա

## ԵՐԵԽԱՆ ԳՐՔՈՒՄ

Հեքիաթը տարան  
երեխայից  
և նա ստիպված մտավ  
մեծերի աշխարհ  
հետո ոչ ոք չտեսավ որ նա  
երեխա է:

## ԿԱԽԱՐԳԱԿԱՆ ԳԻՇԵՐ

Նա անընդհատ  
խառնում է կաթսան  
և չի կարողանում դադարել  
չի կարողանում ավարտել  
չի կարողանում թողնել այն

Իսկ երբեմն երբ  
նույնիսկ թողնում է  
մի վայրկյանով՝ գդալը  
սկսում է ինքն իրեն խառնել

Երեխան թմբկահարում է  
աղմուկ բարձրացնելով կեսգիշերին,  
«ձեռքին գդալ»  
պատկերը պատճենվում է  
օդում

մինչ բանաստեղծությունները  
ձգում են նրան  
բոցերից

Իսկ երեխան պահանջում ու  
պահանջում է

հետո լռում  
մի պահ:



*Վերջապես, երբ կհեր հասնում է  
տուն և ավարտում սրեղծագործելը  
հանգստությունը վրա է հասնում հեղո գրնում է  
դուռը, նա այնքան է զարմանում բայց  
գրնում է նաև բանալին. հոգոց է հանում  
թեթև հառաչում, ... և դուռը բացվում է:*

## ՎԱՐԱԳՈՒՅՐԸ

Եթե նա թակեր դուռը  
խսկ ես վարագույրի պես սահուն  
մոտենայի դռանը  
կարող էի վառվել ու դառնալ մոխիր  
որ լեցուն կլիներ  
վեճ ու կռվով  
պաշտպանվելու համար:

**Էլիզաբեթ Քրիստին Յոկուլսդոտիրը** (ծն. 1958) իր ստեղծագործություններով մեծ ճանաչում է գտել ոչ միայն Իսլանդիայի գրական ասպարեզում եւ ստացել տարբեր մրցանակներ: Նրա առաջին բանաստեղծական ժողովածուն՝ «Պարը փակ սենյակում» (Dans í lokuðu herbergi), լույս է տեսել 1989թ., այնուհետև հրատարակել է բանաստեղծությունների այլ հավաքածուներ, ինչպես նաև վեպեր երեխաների ու չափահասաների համար, պատմվածքներ ու պիեսներ, պատրաստել պարային գործեր ու ներկայացումներ: Էլիզաբեթը երկու անգամ ստացել է Իսլանդական Կանանց գրական մրցանակը՝ «Փականագործի լավ խորհուրդը» (վեպ) և «Սեր, Նյարդերի քայքայում» (պոեզիա) ստեղծագործությունների համար: «Ոչ մի պար Ձուկ-Քարի» վրա գիրքը (Ástin ein taugahrúga. Enginn dans við Ufsaklett) 2016թ. Հյուսիսային Խորհրդի գրական մրցանակի հավակնորդների շարքում էր, իսկ 2015թ. առաջադրվել էր DV Մշակութային մրցանակի: 2016թ. Իսլանդիայի նախագահական ընտրություններում Յոկուլսդոտիրը թեկնածու էր: Իր՝ «Արևոտ ապրիլյան ցուրտ» (Aprílsólarkuldi) ինքնակենսագրական վեպի համար նա 2020թ. «Գեղարվեստական գրականություն» անվանակարգում ստացել է Իսլանդական գրական մրցանակ:

ԲՈՎԱՆԴԱԿՈՒԹՅՈՒՆ

Մաս I

**... սիրալիրություն**

Մոռացված դուռ .....	6
Սերն ինձ նախկինում խենթության էր հասցնում .....	7
Իսկական կինը .....	8
Բանաստեղծություն սիրո կամ մոռացության մասին .....	9
Առաջին օրը .....	10
Երկրորդ օրը .....	11
Երրորդ օրը .....	12
Չորրորդ օրը .....	13
Չմեռային սիրավեպ .....	14
Պարը .....	15
Պլաստիկ պայուսակ կրողը .....	16
Ախտանիշ .....	17
Իմ ընկերը .....	18
Ապրելակարգ .....	19
Բացահայտում .....	20
Մտադրություն .....	21
Իմաստությունը .....	22
Կողոսկրե վանդակ .....	23
Բռնություն .....	24
Ամբոցը .....	25
Գիշերն արթնանալով .....	26
Սենյակ, հարկ, հարևանություն .....	27
Երախտագիտություն .....	28
Մի փշրանք սեր .....	29
Ցտեսություն .....	30

Հեռախոսազանգ .....	31
Չայնը .....	32
Բացահայտում II .....	33
Ինչ-որ փլված բան .....	34
FRÍÐA OG DÝRIÐ .....	35

Մաս II

**...համակեցություն**

Կողաված մարդը .....	38
Մեկ այլ բանաստեղծություն	
կողպեքների մասին .....	39
Անպիտանը .....	40
Համակեցություն .....	41
Երբ նա ներս մտավ .....	42
Մարմնի հիշողություն I .....	43
Մարմնի հիշողություն II .....	44
Սեր .....	45
Վերանորոգում .....	46
Մայրամուտ .....	47
Համատեղ ապրելով .....	48
Գրկախառնություն .....	49
Լուսնին ասա ներողություն .....	50
Սուզման ճամփին .....	51
Անհետացած ծովում .....	52
Շապիկը .....	53
Անանուն .....	54
Հրեշտակ .....	55
Գագաթնակետը .....	56
Նյարդային խանգարում դարձած սերը .....	57
Վեց ամսվա համատեղ կյանք .....	58

Սրճաթաթախ	59
Առաջին բուժօգնության սենյակ	60

Մաս III

**...բաժանում**

Արի մտածենք այլ բանի մասին	62
Մեքենան	63
Սերը ծովածին է	64
Ողբերգություն	65
Մարմնի դառնություն	66
Սիրո դառնություն	67
Հարազատ կարոտ	68
Փետրվարյան երթ	69
Հարմարավետության գոտի	70
Անավարտ բանաստեղծություն	
մոռանալու մասին	72
Ամերիկյան զվարճագնացք	73
Քար - ձուկ	74
Լեզուն	75
Հոկտեմբերյան գիշեր	76
Մենք պարզապես մարդիկ էինք	77
Իսկական կինը II	78
Երեխան գրքում	79
Կախարդական գիշեր	80
Վերջապես, երբ կինը հասնում է տուն...	81
Վարագույրը	82
<i>Հեղինակի մասին</i>	83

Էլիզաբեթ Քրիստին ՅՈԿՈՒԼՍԴՈՏԻՐ

ՍԵՐ, ՆՅԱՐԴԵՐԻ ԶԱՅԶԱՅՈՒՄ.  
ՈՉ ՄԻ ՊԱՐ ՉՈՒԿ-ՔԱՐԻ ՎՐԱ

Թարգմանություններն անգլերեն տարբերակից՝  
Քրիստինա ԶՈՉԱՐՅԱՆԻ

Խմբագիր՝ Յ. Ալեքսանյան  
Սրբագրիչ՝ Թ. Մաթեոսյան  
Էջադրումը՝ Թ. Հարությունյանի  
Կազմի ձեւավորումը՝ Ա. Խաչատրյանի

Թուղթը՝ օֆսեթ, չափսը՝ 60x84 1/16:  
Ծավալը՝ 5.75 տպ. մամուլ: Տպաքանակը՝ 500:

Տպագրվել է «Դիզակ պլուս» հրատարակչության  
տպարանում  
ԼՂՀ, Ստեփանակերտ, Հ. Հակոբյան 25

**«ԳԵՂarm» հանդեսի մատենաշարով լույս են տեսել**

- «Թատերախաղեր Արեւմտյան գրականությունից» - 2010  
Իոսիֆ Բրոդսկի. «Տեղատարափի շաչյունը» - 2011  
Մ. Բախտին. «Դոստոևսկու պոետիկայի խնդիրները» - 2012  
«Միրիուսի սրնգահարները»/Վ.Խլերնիկով, Ն.Գումիլյով,  
Վ.Խոդասեիչ/ - 2012
- Սերգեյ Դովլաթով. «Միայնակների երթը» - 2012  
Յուրի Լոտման. «Միֆ.Անուն.Մշակույթ» - 2012  
Վառլամ Շալամով. «Կոլիմյան պատմվածքներ»- 2012  
Ժարկո Միլենիչ. «Լեոնը՝ հրաշագործի աշակերտը»- 2013  
Պավել Ֆլորենսկի. «Իկոնոստաս» - 2014  
Ռուս կոնցեպտուալ պոեզիա/ Գ.Պրիգով, Վ.Նեկրասով,  
Լ.Ռուբինշտեյն/ - 2014
- Հենրիխ Մապգիր. «Ձուգահեռ մարդը» - 2014  
Վասիլի Գրոսման. «Կյանք եւ ճակատագիր» - 2014  
«Կամուրջների խռովությունը.  
մետամետաֆորիստներ» - 2015
- Ալեքսանդր Սոլժենիցին. «Մատրյոնայի կալվածքը»- 2015  
Անդրեյ Պլատոնով. «Չեւեմգուր. Գուրը.  
Պատմվածքներ» - 2015
- Արդի ռուսական վերլիբո (անթոլոգիա) - 2015  
Չինաստանի մշակույթի քրեստոմատիա - 2015  
Ջիդի Մաջիա. «Հրեղեն խոսքեր» - 2015  
Մա Բայ. «Սրտի արձագանքներ» - 2015  
Եվգենի Վոդյազկին. «Լավր» - 2015  
Քայ Տյանսին. «Խաղաղ կյանքի երգը» - 2015  
Ռուս այլախոհական պոեզիա (անթոլոգիա) - 2015  
Չինական մտքի եւ մշակույթի հիմնական  
հասկացություններ (հատոր 1) - 2016



Յու Ջիան. «Անձրեից պատսպարվող թռչունը» - 2016  
Պավել Բասինսկի. «Լեւ Տոլստոյ.  
Փախուստ դրախտից» - 2016  
Չժան Յզի-յան. «Երազ ծովի մասին» - 2016  
Վան Չենչկի. «Երիտասարդ վանականի սիրո  
պատմությունը» - 2016  
Լյուդմիլա Պետրուշենսկայա. «Սեր. երջանկություն.  
ներվիեմ» - 2016  
Անդրեյ Բելի. «Պետերբուրգ» - 2016  
«Դիկոռոսներ. Անհայտ պոետների ապաստան»  
(անթուլոգիա) - 2016  
Ռուս մինիմալիստներ (անթուլոգիա) - 2016  
Իձյե Թան. «Կոնֆուցիականությունը, ուղղալականությունը,  
դաստիգմը, քրիստոնեությունը եւ չինական  
մշակույթը» - 2016  
Սյուն Շի-ի. «Երկնային կամուրջը» - 2016  
Չինական մտքի եւ մշակույթի հիմնական  
հասկացություններ (հատոր 2 եւ 3) - 2016  
Դոնգ Քիանգ. «Ամուսնություն» - 2017  
Դոնգ Քիանգ. «Կացարաններ» - 2017  
Ինգեբորգ Բախման. «30-րդ տարին» - 2017  
Ջիդի Մաջիա. «Ընձառյուծից մինչեւ Մայակովսկի» - 2017  
Չինական մտքի եւ մշակույթի հիմնական  
հասկացություններ (հատոր 4) - 2017  
Անդրեյ Վոլյու. «Վերադարձ Փանջիռուղ» - 2017  
Դոնգ Քիանգ. «Թաղում» - 2017  
Դոնգ Քիանգ. «Փառատոներ» - 2017  
Դոնգ Քիանգ. «Ուտեստներ» - 2017  
Սյաո Յյան. «Վիշապի մորուքներն ընդդեմ  
նախագծերի» - 2017  
Ուան Յուոլիան. «Մերձակցության աստիճաններ» - 2017

Ֆյոդոր Սուրգուր. «Չնչաղեր» - 2018  
Չինական մտքի եւ մշակույթի հիմնական  
հասկացություններ (հատոր 5) - 2018  
Ու Չուն. «Չինական մշակույթ. փիլիսոփայություն» -2018  
Մարտիրոս Ռբն. «Մոմերն իզուր են այրվել  
մեղքերիս համար» - 2018  
Ռեյսին Սյուրն, Սյուն Ճու. «Չինաստանի յուրահատկու-  
թյունները: Չինաստանի համաշխարհային  
ժառանգությունը»- 2018  
Չինական մտքի եւ մշակույթի հիմնական  
հասկացություններ (հատոր 6) - 2018  
Ադի ձայնը (20-րդ դարի հետադարձական թվականների  
սերնդի չին գրողների պատմվածքներ) -2019  
20-րդ դարի ռուսական պատմվածք (անթոլոգիա) - 2019  
Չինական մտքի եւ մշակույթի հիմնական  
հասկացություններ (հատոր 7) - 2019  
Գվինեթ Լյուիս. «Քառսի հրեշտակները» - 2020  
Պավել Բասինսկի. «Լեւ Տոլստոյ. Ազատ մարդը» - 2020  
Յերինգ Նորբու. «Փրկված գառը» - 2020  
Չժան Յավեն. «Դարերի կանչը» (Մտորումներ Հոնկոնգի  
մասին. իրական պատմություն) - 2020  
Կոնֆուցիոս. «Չրույցներ» - 2020  
Չինական մտքի եւ մշակույթի հիմնական  
հասկացություններ (հատոր 8) - 2021  
Չինական մտքի եւ մշակույթի հիմնական  
հասկացություններ (հատոր 9) - 2021  
Մարիա Գրեչ Գանադո. «Երիզվածք» - 2021



Ոգի-Նաիրի  
Vogi-Nairi

[www.vogi-nairi.am](http://www.vogi-nairi.am)  
Էլ. աստղե՝ [vogi.nairi@mail.ru](mailto:vogi.nairi@mail.ru)  
հեռ.։ +374 97252323